


S.K.I.P

Strategies with Kids | Information for Parents



CIM.MANAGING BEHAVIOUR

## Te akatano'anga i te tu turanga

Ko te akakite akamarama'anga, me kore ra, ko te apii akatano te ravenga meitaki rava atu kia tupu te noo'anga meitaki e te aroa, e rauka ai i taau tamaiti i te kite i tona tu turanga turuturu'ia e te matutu.

**“Kia maata te au tuatua tau meitaki (positive) i to te au tuatua taukore (negative).”**

**“Kia tau katoa toou tu turanga mei taau i anoano i taau anau no to ratou tu turanga.”**

## Te akatano'anga i te tu turanga

E kimikimi kite (explore) ana te tamariki ma te rave i tetai au kimi'anga kite i te au mea ou (experiment) ei ravenga kia kite ratou i to te ao nei e to ratou turanga i roto i te reira. Ka kakekake ratou, ka tongi, ka kōkō, ka rererere, ka amiri e ka ui mai e'ia mirioni au uianga. Na teia e tauturu ia ratou kia marama ratou i te au mea o te ao e takapini nei ia ratou, e ka apii teia ia ratou i to ratou au kotinga.

Ka rauka ia koe i te tauturu i te akamarama akakite i teia au mea katoatoa e kimikimi'ia nei na roto i te akapapu'anga kia noo meitaki taau tamaiti, ma te oronga atu i tetai au mea ou kia kite aia. Me rave pera koe, te tauturu ra koe i taau anau tamariki kia rauka to ratou au turanga kite e te marama te ka anoano'ia no ratou e tupu maira ei aronga mamaata.

Ko te akakite akamarama'anga, me kore ra, ko te apii akatano, te ravenga meitaki rava atu kia tupu te noo'anga meitaki e te aroa, e rauka ai i taau tamaiti i te kite i tona turanga turuturu'ia e te matutu.

**“E inangaro ana te tamariki kia rekareka'ia ratou – ka inangaro ratou kia tano meitaki.”**

**“Ko te tāokioki aiteite te taviri no teia”**

## Te ka angaanga

- Kia maata te aroa e te maanaana e te akameitaki'anga.
- Kia marama meitaki taau akakitekite'anga. E akakite koe ki taau tamaiti me tau meitaki tana e rave ra, e na teia e tupu ei tona turanga matutu kia rave i te au mea ou. E akapa'apa'a koe i taau tamaiti, kia riro te reira i te tāokioki i tona tu taau e mataora ana i te kite.
- Kia marama meitaki taau i anoano i taau tamaiti kia rave aia, e taau kare koe e inangaro iaia kia rave aia. E akanoo koe i te au kotinga e te au koropini'anga kia marama meitaki te reira.
- Me tarevake ake tetai apinga, e komakoma koe kiaia no tena tei tupu. Penei, ka inangaro tauturu aia no te akatano'anga i teia au mea. Me te meangiti ra rai aia, e kare korua e meitaki i te komakoma kapiti, e akamanako meitaki koe i tei tupu – penei, kua roiroi aia, kua matepongi, me kore ra, kua manamanata e kare i rauka iaia i te akakite atu kia koe.
- Me te pāto'i maira taau tamaiti i te rave i tetai angaanga, e tauta koe kia marama koe i te tumu no teia. Penei, te inangaro ra aia kia akara putuputu'ia atu aia, kua manamanata aia, me kore ra, kare aia i kite meitaki i tana i inangaro nona rai. Penei, te inangaro ua ra aia kia tātomo'ia aia, me kore ra, kia tuatua'ia atu tetai au tuatua akamaroiroi nona.
- E komakoma koe ki taau tamaiti no te au akatano'anga te ka tupu. Mei tera ra e, e akakite koe kiaia e, me rutu aia i te kiore-ngiao, penei, ka paraku'ia aia e te kiore-ngiao, me kore ra, me pe'i aia i tetai apinga kangakanga, penei, ka ati. Kia poto ua taau akamarama'anga e, ei au tuatua ka marama aia.

**“Kia pakari tinamou matutu, kia tau e kia turanga mataora”**

**“E akapa'apa'a koe iaia me tano meitaki tana e rave ra, e kia pera ua atu rai te reira e tupu ra.”**

- Me pati koe kiaia e auraka aia e rave i tetai angaanga e kua rave aia i te reira, e aru koe i tei tupu ki tetai au akatano'anga tau. Penei, ko te tuatua tatara'ara ki tetai tamaiti tana i rutu, me kore ra, ko te tauturu ia koe i te tama i tana tātita'anga i akatupu.
- E tatara'ara katoa rai koe. Na teia e e tauturu i te apii i taau tamaiti kia tatara'ara katoa aia. E rave koe i taau ka rave mei taau e anoano ra i taau tamaiti kia rave pera katoa aia.
- Kia rava te akakoromaki. Ka roa te tuatau e rauka ai i tetai tamaiti i te akamatutu i tona turanga no te akatano iaia uaorai.
- Te Parani. Tukuna'ia te au apinga puapinga ki te au ngai kare e taena'ia, eia'a e apai i taau tamaiti ki te supamakete me kua roiroi aia, ma te apii i taau tamaiti kia aere ki ko i te ngai o te a'i, ka tikoti ei aia ki tetai tua mai i te mataara.
- E tauta koe kia kore koe e karanga e “kare”, e “auraka”, i te au atianga ravarai. Kia kore koe e karanga e “auraka koe e orooro i roto i te are”, e karanga koe e, “e aereaere koe i roto i te are, penei, ko te kino mai koe me oro koe.” I te karanga e, “kare, kare taua e meitaki i te aere ki ko i te pāka”, e karanga koe e, “penei, apopo.”



S.K.I.P

[skip.org.nz](http://skip.org.nz)

[facebook.com/SKIPcommunity](https://facebook.com/SKIPcommunity)

- Ei au manakonako'anga ka tupu – kare tetai tamaiti meangiti e rauka i te noo marie ua no tetai tuatau roa, me kore ra, ka tāopenga mai tana kai ki te au ngai katoatoa, iaia e akamata maira ra i te kai i tana kai koia anake ua. Ka rauka ia koe i te akatuke i te au ture e te au manakonako'anga tei akanoo'ia, iaia e tupu maira e te maata aere maira tona au turanga kite tuketuke.
- Tauta'ia tetai au akanoonoo'anga tinamou no te tuatau kaikai e te moe. Na teia e tauturu i te tamariki kia matau i te au akanoo'anga tinamou e te noo ma te meitaki.
- Me akamata te turanga ngata i te tupu. Akatupu marie, akakite akaou'ia, ma te akameitaki. Akatupu marie kia marū mai koe, uriuri manako ia no te kino tei tupu ei ravenga kia rauka mai tei tau kia raveia, i reira koe ka akameitaki ei i te tamariki no tei akarongo mai.

**“Kare te oronga tuatau e te aroa kia rava meitaki ki taau tamaiti e riro i te akapeu iaia.”**

**“Ka riro te kapikipiki va'a pu e te pāpā i te akakino atu i te au mea katoatoa. E meitaki atu te reo marū vaitata, taku ia i kite.”**

Kia vai mataora ua rai toou turanga. I tetai taime, e tuatau poto ua toou i te kimi manako e, me ka tupu toou riri ki te maata'anga, me kore ra, me ka akara koe ki te tua e kata ai koe i tei tupu. Me kua parai te tamaiti i tona tuke mata katoatoa ki te rīpitiki, e kua kata koe, ka tau rai kia pati koe kiaia auraka aia e rave akaou i teia, ma te akamarama kiaia e, eaa te tumu.

## Te mea kare e angaanga

- Auraka koe e tāpu i te aroa me rave ake taau tamaiti i tetai angaanga tārevake. Ka riro teia ei karere akaari kiaia e, kare koe e inangaro ana iaia, e ko taau tikai kare koe e mareka ana, ko tana i rave.
- Kare te pāpā e te rutu e apii i taau tamaiti kia kite aia i te tarevake tana i rave. Ka riro teia i te apii kiaia e, e mea tau rai te rutu i tetai aronga ke.
- Ka riro te kapikipiki va'a pu e te reo va'a pu maata pakari i te akakino atu i te turanga e tupu ei te au tauetono'anga mamaata kino atu. Akaea marie o'onu koe, aere ki tetai ngai ke no tetai tuatau poto, kia marū mai koe.

**“E maata toku au manako ou e rauka mai ana mei ko mai i tetai au metua.”**

**“Ko koe to taau tamaiti akara'anga tau meitaki.”**



S.K.I.P

skip.org.nz  
facebook.com/SKIPcommunity

## Tetai au manako ke mai

E au taime tetai mei te mea atura e, kare taau au tauta'anga e puapinga'ia ana. E ngata maata ana te rave angaanga me turorirori kino te au mea katoatoa. Teia tetai au ravenga noou e taau tamaiti kia rava to korua tuatai i te kimi e te akanoo kia tau te au mea katoatoa.

- Penei, e ravenga ngoie ua te akaneke i te manako o te tamariki rikiriki mei tetai tuanga ngata mai. Penei, e akaari koe i tetai apinga kangakanga kia ratou kia reka ratou i te reira apinga. Me kore ra, e akanoo koe ia ratou ki runga i toou turi, ka takave ei koe ia ratou ma te tua marie atu i tetai tua, me kore ra, i te imene i tetai imene.
- E parani teatea-mamao koe na mua ake ma te akanoo i tetai au tuanga akaneke manako no te tamariki me roiroi ratou, me kore ra, me iu ratou. Kia kite meitaki koe i ta taau tamaiti ka reka i te rave ei ravenga kia ngoie te akaneke i tona manako me inangaro'ia ake kia rave pera koe.
- I tetai taime, mei te mea atura e, kare e rauka i te akanoo meitaki i te au mea katoatoa no tei roiroi e no tei manako manamanata koe. E tāmata koe i te aere ki roto i tetai pia ke mai ma te noo marie kia marū mai koe. I tetai taime, ko te aere ki ko i tetai maramarama e te akara ki va'o, me kore ra, ko te tatai ki te numero tai-ngauru i mua ake ka pa'u atu ei koe i tei tupu, e tauturu ia koe kia marū mai no te manamanata tei tupu. E tauturu katoa ta te akaea au a'o o'onu ka oronga mai.

**“Me ka aere mamao matou na runga i te motoka, e tukutuku taime ana matou i te tienieni ngai noo, me akamata te katoatoa i te maniania no tei roiroi.”**

**“Ka anoano'ia kia tātomo inangaro'ia ratou i te au popongi tātakitai katoatoa.”**

E au akatuke'anga puapinga maaata te ka tupu me tuatua marū marie koe ki taau tamaiti. E aere korua ki tetai ngai meitaki i te noo ko taau tamaiti kia kore korua e tāmamananata'ia atu. E tuatua marie ua koe kiaia no te manamanata tei tupu, e te au mea te ka aru mai i te reira me ka pera ua atu rai tona tu.

E akamarama koe kiaia i ta tona tu e akatupu nei ki tetai pae – mei teia te akara'anga, me apai aia i te apinga kangakanga a tetai au tamariki, ka riro teia ei tumatetenga no ratou no te kare a ratou apinga ei kangakanga na ratou: “Me apai ua rai koe i te au apinga kangakanga a tetai au tamariki ke, ka oki taua ki te kainga.”

E akarongo koe i te manako o taau tamaiti no te akatano'anga i te manamanata. E akapapu korua kia kite meitaki korua i ta korua ka rave no te akanoo'anga tei akatinamou'ia, ma te rave i te reira e oti ua atu.

**“Kia rava taau akapa'apa'a i tona tu meitaki, ei ravenga kia maata atu taau akapa'apa'a'anga i to te karanga e, kare.**



S.K.I.P

[skip.org.nz](http://skip.org.nz)

[facebook.com/SKIPcommunity](https://facebook.com/SKIPcommunity)

## Me kare e ravenga e angaanga

Ei ravenga openga i te akamotu i te turanga inangaro-kore'ia mei te rutorutu, te onioni, me kore ra, te tu'etu'e, penei, akanoo'ia iaia no tetai tuatau koia anake ua. Eia'a ra te tuatau akanoo koia anake ua e raveia ki te tamariki i raro ake i te uki rua mataiti.

## Te noo koia anake ua

Ka riro te noo koia anake ua i te akapapu kia kore taau tamaiti e akara'ia atu no tetai tuatau poto. I mua ake ka rave ei koe i te akanoo iaia koia anake ua, e akamarama koe ki taau tamaiti i te tumu i raveia ai te reira, ma te ariki kapiti korua i te ngai kia raveia te reira.

Kare mei te mea e, ka apai koe i taau tamaiti ki tetai pi'a ke no te akanoo iaia koia anake ua. E tauta koe i te iki i tetai ngai kare te maromaroā e tupu, e pera katoa auraka ei ngai ka matakū'ia, me kore ra, e ngai takake, mei te noo'anga, te ara kakekake, me kore ra, tetai kōnā o tetai pia. Me koia ra e tetai au tamariki mamaata mai, e tuku koe ia ratou ki roto i tetai pia takake, ina ra, e akapapu koe e, e pia meitaki e kare ratou e matakū ia ratou i roto i reira.

- E akamatakite koe i taau tamaiti e, e tu tarevake tona e ka tuku koe iaia ki tetai ngai koia anake ua me kore te reira tu nona e akamotu. Me akamotu ake tona tu tarevake, kia maata taau akapa'apa'a iaia.
- Me kore tona tu tarevake e akamotu, e apai marie koe iaia ki tetai ngai meitaki te ka rauka ia koe i te akaruke iaia ki reira no tetai tuatau poto. Okotai miniti i te mataiti tātakitai i te ora'anga o tetai tamaiti e tona uki mataiti, te akanoo'anga tei akataka'ia, eia'a i runga atu i te rima miniti.
- E noo ma te marū. Auraka koe e komakoma ki taau tamaiti, me kore ra, i te oronga tuatau atu iaia. Me ka kimi ravenga aia i te akaruke i te ngai tei akanoo'ia kia noo aia koia anake ua i mua ake ka pou ei te taime i akakoro'ia, e akaoki marie ua koe iaia ki reira. E akapera akaou rai koe me ka tupu akaou ake teia.
- Me tae ana te ora tei akakoro'ia nona kia noo koia anake ua, e akamarama koe i teia tei raveia. E akapapu koe kia kite koe i tona tu meitaki ma te oronga atu kia maata taau akapa'apa'a'anga.

**“E karanga ana au e, “E maata ta Mami au angaanga e rave nei, ko teia taau au angaanga kia tauturu mai koe iaku.”**

**“Kare maua e rave putuputu ana i teia. I toku manako no reira i angaanga meitaki ei. E riri ana ta maua tamaiti me akapae'ia aia e me kore aia e akara inangaro'ia atu.”**



S.K.I.P

[skip.org.nz](http://skip.org.nz)

[facebook.com/SKIPcommunity](https://facebook.com/SKIPcommunity)

SKIP supports parents and caregivers  
to raise their children in a positive way.

For more information go to:

[www.skip.org.nz](http://www.skip.org.nz)

Email: [info@skip.org.nz](mailto:info@skip.org.nz)

Phone: 04 916 3300

For more information on support for parents, go to:

<http://www.familyservices.govt.nz/directory/>



S . k . I . P

[skip.org.nz](http://skip.org.nz)

[facebook.com/SKIPcommunity](https://www.facebook.com/SKIPcommunity)